

ქ. გორი

29. 12., 2021



ურთიერთთანამშრომლობის მემორანდუმი

სსიპ - დავით აღმაშენებლის სახელობის საქართველოს ეროვნული თავდაცვის აკადემიასა

და

II(ა)იპ გორის მუნიციპალიტეტის კულტურისა და ტურიზმის განვითარების ხელშეწყობის
სააგენტოს შორის

სსიპ - დავით აღმაშენებლის სახელობის საქართველოს ეროვნული თავდაცვის აკადემიას
და

ა(ა)იპ გორის მუნიციპალიტეტის კულტურისა და ტურიზმის განვითარების ხელშეწყობის
სააგენტოს შორის

სსიპ - დავით აღმაშენებლის სახელობის საქართველოს ეროვნული თავდაცვის აკადემია (შემდგომში - „აკადემია“) წარმოდგენილი რექტორის, ბრიგადის გენერალ მამია ბალახაძის სახით და მეორეს მხრივ ა(ა)იპ გორის მუნიციპალიტეტის კულტურისა და ტურიზმის განვითარების ხელშეწყობის სააგენტო (შემდგომში - „სააგენტო“), წარმოდგენილი მისი დირექტორის, გელა ვაპანაძის სახით (შემდგომში - „მხარეები“), ანიჭებენ რა განსაკუთრებულ მნიშვნელობას აკადემიისა, ისტორიულ-ეთნოგრაფიული და საბრძოლო დიდების მუზეუმების ურთიერთთანამშრობლობის დამყარება-განვითარებას, აღიარებენ თითოეული მხარის ინტერესებს- ხელი შეუწყონ საგანმანათლებლო და სამუზეუმო სივრცის განვითარებას; ეყრდნობიან თანასწორობისა და ურთიერთპატივისცემის პრინციპებს, თანხმებიან შემდეგზე:

1. მემორანდუმის საგანი

წინამდებარე ურთიერთთანამშრომლობის მემორანდუმით (შემდგომში - მემორანდუმი) მხარეები თავიანთი კომპეტენციის ფარგლებში, საქართველოს კანონმდებლობის შესაბამისად, გამოხატავენ და ადგენენ, განათლებისა და კულტურის სფეროში ურთიერთთანამშრომლობის საერთო მზადყოფნას.

2. მემორანდუმის მიზანი

მემორანდუმის მიზანს წარმოადგენს თანამშრომლობა მხარეთა საერთო ინტერესების სფეროში შემსავალ აქტუალურ საკითხებზე, ერთობლივი პროფესიული და სასწავლო-საგანმანათლებლო პროექტების, ღონისძიებების დაგეგმვა და განხორციელება.

3. მემორანდუმის ამოცანები

მემორანდუმის ამოცანებია:

- 3.1 აქტუალურ საკითხებზე ერთობლივი სამუშაო შეხვედრების და ღონისძიებების ორგანიზება;
- 3.2 საერთო ინტერესების სფეროში შემავალი საკითხების კვლევა და სასწავლო-საგანმანათლებლო პროექტების განხორციელება;
- 3.3 ორმხრივი ინტერესის სფეროში შემავალი საჯარო ინფორმაციის გაცვლა;
- 3.4 ორმხრივი თანხმობის შემთხვევაში, საკუთარი კომპეტენციის ფარგლებში, ერთობლივი საგანმანათლებლო პროგრამების შემსავება ან/და კონსულტაციის გაწევა აღნიშნული პროგრამებისა და მასალების შემუშავების პროცესში;
- 3.5 ორმხრივი თანხმობის შემთხვევაში, სპეციალისტის ჩატარება მუზეუმში.
- 3.6 საჭიროებიდან გამომდინარე, ორმხრივი თანხმობის შეთხვევაში, საერთაშორისო პროექტებში ერთობლივი მონაწილეობა;
- 3.7 თანამშრომლობის მიზნების მისაღწევად კანონმდებლობით წებადართული სხვა ღონისძიებების განხორციელება.

4. მხარეთა უფლებამოსილებანი

- 4.1 თანხმობის საფუძველზე, მხარეებს უფლება აქვთ, ერთობლივი ღონისძიებების ჩატარებისა და ერთობლივი პროექტების განხორციელებისათვის, გამოიყენონ მეორე მხარის კუთვნილი რესურსები;

4.2 მემორანდუმი არ ითვალისწინებს მხარეებს შორის რაიმე სახით და/ან ფორმით ფინანსური ვალდებულებების წარმოშობას, თუ სხვა რამ არ იქნა დადგენილი დამატებითი შეთანხმების საფუძველზე.

5. ფორსმაჟორი

მხარე, რომელსაც ფორსმაჟორული გარემოებების გამო ხელი შეეშლება თავისი ვალდებულებების შესრულებაში, არ უნდა იქნას განხილული ამგვარი ვალდებულებების დამრღვევად და ფორსმაჟორულ გარემოებათა შედეგების შესამსუბუქებლად გამოყენებულ უნდა იქნას ყველა შესაძლო საშუალება. ამავე დროს მხარეებმა ერთმანეთთან უნდა აწარმოონ კონსულტაციები წინამდებარე მემორანდუმის შემდგომი განხორციელების საშუალებებზე.

6. მემორანდუმის მოქმედების ვადა და შეწყვეტა

- 6.1 წინამდებარე მემორანდუმი ძალაში შედის მხარეთა მიერ მისი ხელმოწერის დღიდან და მოქმედებს განუსაზღვრელი ვადით;
- 6.2 მიზეზის დასახელების გარეშე წინამდებარე მემორანდუმის გაუქმება შესაძლებელია მეორე მხარისთვის 15 (თხუთმეტი) კალენდარული დღით ადრე წერილობითი შეტყობინების მიწოდების საფუძველზე;
- 6.3 კონკრეტული მიზეზის მითითებით მემორანდუმის გაუქმება შესაძლებელია მეორე მხარისათვის 7 (შვიდი) კალენდარული დღით ადრე წერილობითი შეტყობინების საფუძველზე;
- 6.4 მემორანდუმის გაუქმების შემდეგ მხარეები (მათი შესაძლებლობების ფარგლებში) ვალდებული არიან, განახორციელონ ყველა შესაბამისი და აუცილებელი ღონისძიება მემორანდუმის ფარგლებში დაწყებული პროექტების დასასრულებლად.

7. დასკვნითი დებულებები

- 7.1 მხარეებს შორის კომუნიკაცია ხორციელდება წერილობითი ფორმით (ფოსტის ან ელექტრონული ფოსტის მეშვეობით);
- 7.2 მხარეთა ორმხრივი წერილობითი შეთანხმების საფუძველზე, მემორანდუმში შესაძლებელია შეტანილ იქნას ცვლილებები და დამატებები, რომლებიც მემორანდუმის განუყოფელ წარმოადგენენ.
- 7.3 მემორანდუმის შესრულებასა და განმარტებასთან დაკავშირებული სადაცო საკითხები გადაიჭრება მხარეთა შორის კონსულტაციებისა და მოლაპარაკებების გზით. შეთანხმების მიუღწევლობის შემთხვევაში, დავას განიხილავს საქართველოს სასამართლო.
- 7.4 მემორანდუმი შედგენილია ორი თანაბარი იურიდიული ძალის მქონე ეგზემპლარად და ინახება მხარეებთან.

მხარეთა რეკვიზიტები და ხელმოწერა

სპორტის და კულტურის
სახელმწიფო საქართველოს
ეროვნული თავდაცვის აკადემია



გორიგადის გენერალი
მარია ბალახაძე

მის: ცხინვალის გზატკეცილი, მე-3
კმ.

გორი, საქართველო
ვებგვერდი: www.eta.edu.ge
ელფონტი nda@mod.gov.ge
ს/კ 218083222

ა(ა)იპ გორის მუნიციპალიტეტის
კულტურისა და ტურიზმის
განვითარების ხელშეწყობის
სააგენტო

დირექტორი



მის. სტალინის ქ. ა. 16

გორი, საქართველო

ელფონტი
Gori.culture.center@gmail.com

ს/კ 418471031